



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
FOREIGN TRADE CHAMBER OF BOSNIA AND HERZEGOVINA

URED PREDSJEDNIKA I POTPREDSJEDNIKA

Broj: 01-4-03-3-688-3/20

Dana: 09.06.2020.godine

BOSNA I HERCEGOVINA
MINISTARSTVO KOMUNIKACIJA I PROMETA BiH

N/r g. Vojin Mitrović, ministar

PREDMET: Mišljenje na Prednacrt pravilnika o izmjenama i dopunama Pravilnika o uvjetima za izdavanje licence i kvalifikacijske kartice vozača - *dostavlja se*

Poštovani,

Na osnovu akta Ministarstva komunikacija i prometa Bosne i Hercegovine, broj: 01-05-02-2-1098/20, od 05.05.2020.godine, kojim se sukladno članu 7. Zakona o Vanjskotrgovinskoj komori Bosne i Hercegovine ("Službeni glasnik BiH" br: 30/01 i 72/13), traži mišljenje na priloženi tekst *Prednacrt pravilnika o izmjenama i dopunama Pravilnika o uvjetima za izdavanje licence i kvalifikacijske kartice vozača*, informiramo Vas, da smo proveli proceduru traženja mišljenja od članova Udruženja međunarodnih cestovnih prijevoznika tereta i Udruženja prijevoznika u međunarodnom i međuentitetskom cestovnom prijevozu putnika pri Vanjskotrgovinskoj komori Bosne i Hercegovine. Primjedbe, prijedlozi i komentari članova udruženja i Vanjskotrgovinske komore su sublimirani, te je utvrđen prijedlog izmjena i dopuna navedenog Pravilnika s obrazloženjem, a koje dostavljamo u prilogu. Radi olakšanja daljnje procedure, pripremljen je i prečišćen tekst Pravilnika koji Vam također dostavljamo u prilogu.

Veoma je važno napomenuti da se, između ostalog, izmjenama Pravilnika predlaže da poslove izdavanja kvalifikacijskih kartica vozača obavlja Vanjskotrgovinska komora Bosne i Hercegovine, što je u skladu s članom 47. stav 2 Zakona o međunarodnom i međuentitetskom cestovnom prijevozu.

S obzirom na to da Vanjskotrgovinska komora Bosne i Hercegovine u okviru svojih nadležnosti zastupa interese svojih članova, te kroz partnerski odnos s nadležnim tijelima Bosne i Hercegovine utječe na razvoj i unaprjeđenje međunarodnog prometa i komunikacija, obavljanje poslova izdavanja kvalifikacijskih kartica vozača doprinijelo bi jačanju postojećih partnerskih odnosa nadležnih tijela Bosne i Hercegovine, a što je u skladu sa zahtjevom Udruženja međunarodnih cestovnih prijevoznika tereta.

Unaprijed hvala na razumijevanju i uvažavanju predloženog.

S poštovanjem,

Prilog:

- *Prijedlog izmjena i dopuna Pravilnika*
- *Prečišćeni tekst Pravilnika*



Izmjene i dopune Pravilnika

Dodati

~~Brisati~~

Na osnovu člana 5. Zakona o međunarodnom i međuentitetskom cestovnom prijevozu („Službeni glasnik BiH“, br. 1/02 i 14/03), ministar komunikacija i prometa donosi

PRAVILNIK O IZMJENAMA I DOPUNAMA PRAVILNIKA O UVJETIMA ZA IZDAVANJE LICENCE I KVALIFIKACIJSKE KARTICE VOZAČA

Član 1.

U Pravilniku o uvjetima za izdavanje licence i kvalifikacijske kartice („Službeni glasnik BiH“, br. 77/14 i 65/18) u članu 9. stav (2) mijenja se i glasi:

„Dobar ugled ima prijevoznik kojem nije izrečena sigurnosna mjera zabrane obavljanja djelatnosti cestovnog prijevoza, kao i upravitelj prijevoza angažovan kod prijevoznika:

a) koji nije pravomoćno osuđen zbog krivičnog djela protiv radnih odnosa i socijalnog osiguranja, okoliša, opće sigurnosti, sigurnosti prometa, imovine, gospodarstva, službene dužnosti te zbog krivičnog djela krivotvorenja,

b) koji nije osuđen za druga krivična djela na kaznu zatvora duže od godinu dana,

c) koji nije u zadnje dvije godine kažnjen pravomoćnom odlukom prekršajnog suda više od dva puta za teži prekršaj, povezan s obavljanjem djelatnosti cestovnog prijevoza putnika ili tereta, odnosno iz područja sigurnosti cestovnog prometa, prijevoza opasnih tvari, tehničke ispravnosti vozila, ugradnje opreme za snimanje ili druge opreme, radnog vremena vozača te prekoračenja najveće dopuštene mase i dimenzija za vozila koja se koriste u međunarodnom prometu i kojem nije izrečena sigurnosna mjera zabrane obavljanja djelatnosti cestovnog prijevoza.“

Član 2.

U članu 13. stav (3) Pravilnika mijenja se i glasi:

„Uz zahtjev za izdavanje licence, prijevoznik je dužan dokazati da od dana podnošenja zahtjeva nema više od tri mjeseca dospelih a neizmirenih obaveza, prema nadležnim poreznim upravama za direktno i indirektno oporezivanje.

U članu 13. stav (4) mijenja se i glasi:

„Ukoliko podnositelj zahtjeva ispunjava uvjete propisane ovim pravilnikom, Ministarstvo izdaje licencu za obavljanje međunarodnog cestovnog prijevoza, kao i odgovarajući broj izvoda licence, i iste dostavlja putem pošte na adresu podnositelja zahtjeva.“

Član 3.

U članu 21. stav (1) riječ „Ministarstvo“ zamjenjuje se riječima „Vanjskotrgovinska komora Bosne i Hercegovine (u daljnjem tekstu: Komora)“.

U članu 21. stav (1) tačka c) se briše.

Član 4.

U članu 22. stav (1) riječi „Ministarstvu ili nadležnim entitetskim ministarstvima ili organu Distrikta BiH“ zamjenjuje se sa riječju „Komori“.

U članu 22. stav (2) riječi „Organ koji je zaprimio zahtjev“ zamjenjuje se sa riječju „Komora“.

U članu 22. stav (3) riječi „organ koji je zaprimio zahtjev“ zamjenjuje se sa riječju „Komora“.

U članu 22. stav (4) mijenja se i glasi:

„Ukoliko podnositelj ispunjava uvjete propisane ovim pravilnikom, ~~Ministarstvo~~ Komora izdaje kvalifikacijsku karticu vozača i istu dostavlja putem pošte na adresu fizičkog lica - podnositelja zahtjeva ili podnositelj istu preuzima u sjedištu Komore“.

U članu 22. stav (5) se briše, a stav (6) postaje stav (5).

Član 4a.

Član 23. Pravilnika mijenja se i glasi:

„Za poslove izdavanja i izrade kvalifikacijske kartice vozača podnositelj zahtjeva je obavezan uplatiti naknadu, čiju visinu, na prijedlog Ministarstva, uz pribavljeno mišljenje Komore, posebnom odlukom utvrđuje Vijeće ministara Bosne i Hercegovine.“

Član 4b.

U članu 24. stav (3) riječ „Ministarstvu“ zamjenjuje se sa riječju „Komori“.

Član 4c.

U članu 25. u stavu (3) iza riječi „inspekcijskim organima u Bosni i Hercegovini“ dodaju se riječi „i Komori“.

Član 4d.

U članu 34. u stavu (5) poslije tačke b) dodaje se nova tačka c) koja glasi:

„c) vozači koji posjeduju dokaz o završenom najmanje III stepenu saobraćajnog cestovnog usmjerenja.“

Član 4e.

U članu 35. u stavu (1) riječi „srednjoškolsko obrazovanje za vozača, najmanje III stepen odnosno KV, i“ se brišu.

Član 5.

U Prilogu broj 8, u stavu (1) riječ „tri“ zamjenjuje se riječju „dvije“.

Član 6.

U Prilogu broj 13 rečenica „Ova potvrda dovoljan je dokaz stručne osposobljenosti upravitelja prevoza u međunarodnom drumskom prevozu, a vrijedi do ---.---.----. godine“, se briše.

Član 7.

Ovaj pravilnik stupa na snagu osmog dana od dana objavljivanja u “Službenom glasniku BiH“.

Broj:

MINISTAR

Sarajevo, _____. godine

Obrazloženje izmjena i dopuna pojedinih odredbi Prednacrtu pravilnika o izmjenama i dopunama pravilnika o uvjetima za izdavanje licence i kvalifikacijske kartice vozača

Čl. 3. i 4. Pravilnika:

Predložena izmjena i dopuna čl. 3. i 4. Pravilnika odnosi se na to da poslove izdavanja kvalifikacijskih kartica vozača obavlja Vanjskotrgovinska komora Bosne i Hercegovine, što je u skladu sa članom 47. stav 2. Zakona o međunarodnom i međuentitetskom cestovnom prijevozu.

Nadalje, članom 6. stavom 2. pod e) Zakona o Vanjskotrgovinskoj komori Bosne i Hercegovine definisano je da Komora, u okviru svojih nadležnosti, obezbjeđuje zastupanje interesa njenih članova, te kroz partnerski odnos sa nadležnim organima Bosne i Hercegovine utječe na razvoj i unaprjeđenje međunarodnog transporta i komunikacija, te bi obavljanje poslova izdavanja kvalifikacijskih kartica vozača bilo unaprjeđenje partnerskih odnosa nadležnih organa Bosne i Hercegovine.

Čl. 4a., 4b. i 4c. Pravilnika:

Predložena dopuna Pravilnika odnosi se na uklađivanje sa predloženom izmjenom i dopunom iz čl. 3. i 4. Pravilnika.

Član 4d. Pravilnika:

Predložena dopuna Pravilnika odnosi se na oslobađanje vozača motornih vozila koji posjeduju dokaz o završenom najmanje III stepenu saobraćajnog cestovnog usmjerenja, uzimajući u obzir da su isti kroz obrazovanje stručno osposobljeni, odnosno imaju znanja definisana Prilogom 14. Pravilnika.

Član 4e. Pravilnika:

Predložena dopuna Pravilnika odnosi se na uklađivanje sa predloženom izmjenom iz člana 3. Pravilnika, kojom se mijenja član 21. stav (1) osnovnog teksta Pravilnika, na način da se tačka c) briše, tj. da se briše tekst „c) dokaza o završenom srednjoškolskom obrazovanju za vozača, najmanje III stepen odnosno KV”.

Prečišćeni tekst Pravilnika

Na osnovu člana 5. Zakona o međunarodnom i međuentitetskom cestovnom prijevozu („Službeni glasnik BiH“, br. 1/02 i 14/03), ministar komunikacija i prometa donosi

PRAVILNIK O IZMJENAMA I DOPUNAMA PRAVILNIKA O UVJETIMA ZA IZDAVANJE LICENCE I KVALIFIKACIJSKE KARTICE VOZAČA

Član 1.

U Pravilniku o uvjetima za izdavanje licence i kvalifikacijske kartice („Službeni glasnik BiH“, br. 77/14 i 65/18) u članu 9. stav (2) mijenja se i glasi:

„Dobar ugled ima prijevoznik kojem nije izrečena sigurnosna mjera zabrane obavljanja djelatnosti cestovnog prijevoza, kao i upravitelj prijevoza angažovan kod prijevoznika:

- a) koji nije pravomoćno osuđen zbog krivičnog djela protiv radnih odnosa i socijalnog osiguranja, okoliša, opće sigurnosti, sigurnosti prometa, imovine, gospodarstva, službene dužnosti te zbog krivičnog djela krivotvorenja,
- b) koji nije osuđen za druga krivična djela na kaznu zatvora duže od godinu dana,
- c) koji nije u zadnje dvije godine kažnjen pravomoćnom odlukom prekršajnog suda više od dva puta za teži prekršaj, povezan s obavljanjem djelatnosti cestovnog prijevoza putnika ili tereta, odnosno iz područja sigurnosti cestovnog prometa, prijevoza opasnih tvari, tehničke ispravnosti vozila, ugradnje opreme za snimanje ili druge opreme, radnog vremena vozača te prekoračenja najveće dopuštene mase i dimenzija za vozila koja se koriste u međunarodnom prometu i kojem nije izrečena sigurnosna mjera zabrane obavljanja djelatnosti cestovnog prijevoza.“

Član 2.

U članu 13. stav (3) Pravilnika mijenja se i glasi:

„Uz zahtjev za izdavanje licence, prijevoznik je dužan dokazati da od dana podnošenja zahtjeva nema više od tri mjeseca dospelih a neizmirenih obaveza, prema nadležnim poreznim upravama za direktno i indirektno oporezivanje.

U članu 13. stav (4) mijenja se i glasi:

„Ukoliko podnositelj zahtjeva ispunjava uvjete propisane ovim pravilnikom, Ministarstvo izdaje licencu za obavljanje međunarodnog cestovnog prijevoza, kao i odgovarajući broj izvoda licence, i iste dostavlja putem pošte na adresu podnositelja zahtjeva.“

Član 3.

U članu 21. stav (1) riječ „Ministarstvo“ zamjenjuje se riječima „Vanjskotrgovinska komora Bosne i Hercegovine (u daljnjem tekstu: Komora)“.

U članu 21. stav (1) tačka c) se briše.

Član 4.

U članu 22. stav (1) riječi „Ministarstvu ili nadležnim entitetskim ministarstvima ili organu Distrikta BiH“ zamjenjuje se sa riječju „Komori“.

U članu 22. stav (2) riječi „Organ koji je zaprimio zahtjev“ zamjenjuje se sa riječju „Komora“.

U članu 22. stav (3) riječi „organ koji je zaprimio zahtjev“ zamjenjuje se sa riječju „Komora“.

U članu 22. stav (4) mijenja se i glasi:

„Ukoliko podnositelj ispunjava uvjete propisane ovim pravilnikom, Komora izdaje kvalifikacijsku karticu vozača i istu dostavlja putem pošte na adresu fizičkog lica - podnositelja zahtjeva ili podnositelj istu preuzima u sjedištu Komore“.

U članu 22. stav (5) se briše, a stav (6) postaje stav (5).

Član 5.

Član 23. Pravilnika mijenja se i glasi:

„Za poslove izdavanja i izrade kvalifikacijske kartice vozača podnositelj zahtjeva je obavezan uplatiti naknadu, čiju visinu, na prijedlog Ministarstva, uz pribavljeno mišljenje Komore, posebnom odlukom utvrđuje Vijeće ministara Bosne i Hercegovine.“

Član 6.

U članu 24. stav (3) riječ „Ministarstvu“ zamjenjuje se sa riječju „Komori“.

Član 7.

U članu 25. u stavu (3) iza riječi „inspekcijskim organima u Bosni i Hercegovini“ dodaju se riječi „i Komori“.

Član 8.

U članu 34. u stavu (5) poslije tačke b) dodaje se nova tačka c) koja glasi:

„c) vozači koji posjeduju dokaz o završenom najmanje III stepenu saobraćajnog cestovnog usmjerenja.“

Član 9.

U članu 35. u stavu (1) riječi „srednjoškolsko obrazovanje za vozača, najmanje III stepen odnosno KV, i“ se brišu.

Član 10.

U Prilogu broj 8, u stavu (1) riječ „tri“ zamjenjuje se riječju „dvije“.

Član 11.

U Prilogu broj 13 rečenica „Ova potvrda dovoljan je dokaz stručne osposobljenosti upravitelja prevoza u međunarodnom drumskom prevozu, a vrijedi do --.---.----- godine“, se briše.

Član 12.

Ovaj pravilnik stupa na snagu osmog dana od dana objavljivanja u “Službenom glasniku BiH“.

Broj:

MINISTAR

Sarajevo, _____. godine

dr Vojin Mitrović